



U ovom broju:

- ➔ PLAN KAPITALNIH ULAGANJA ZA 2024. GODINU
- ➔ SVEČANO OBILJEŽEN 4. APRIL – DAN OTPORA FAŠIZMU
- ➔ TEŠANJ NA LISTI GRADOVA I REGIJA BUDUĆNOSTI
- ➔ MILION KM ZA ŠKOLU U MEDAKOVU
- ➔ SPORTSKA DVORANA JELAH
- ➔ IGRALIŠTA ZA DJECU U JELAHU I TEŠNJU
- ➔ OMLADINSKA BANKA
- ➔ IZ RADA CZ



OPĆINA TEŠANJ

Trg Alije Izetbegovića 1

www.opcina-tesanj.ba

e-mail: optesanj@bih.net.ba





OPĆINA TEŠANJ

- Polaganje cvijeća na Čatićev mezar
utorak, 12. mart, 14:30 sati
- Zborit ćemo što nam srce zna, priredba povodom Dana Gimnazije
utorak, 12. mart, 15 sati, CKO
- OTVORENJE MANIFESTACIJE
& izložbe grafika i keramike Halide i Seada Emrića
utorak, 12. mart, 16:30 sati, CKO
- Promocija knjige pjesama Amira Brke *Večera srijedom*
četvrtak, 21. mart, 16:30 sati, CKO
- Izložba rukotvorina UŽ "Naša porodica"
utorak, 26. mart, 16 sati, Biblioteka
- Dan otpora fašizmu
- Polaganje cvijeća na centralno i druga spomen-obilježja
četvrtak, 4. april, 15 sati
- Tribina: *Antifašizam kao faktor opstanka Bosne i Hercegovine*
Gost: dr. Amir Kliko, četvrtak, 4. april, 15:30 sati, CKO
- Promocija romana Adnadina Jašarevića *Smrt vile Radmile*
ponedjeljak, 8. april, 15:30 sati, Biblioteka
- Predavanje za srednjoškolce u povodu Dana Armije RBiH
ponedjeljak, 15. april, 13 sati, sala Općinskog vijeća
- Kviz *U ime istine*
ponedjeljak, 15. april, 14 sati, Biblioteka
- Promocija knjige Ferida Dautovića *Kasim ef. Dobraća*
utorak, 16. april, 18:30 sati, Medžlis
- Sajam srednjih škola i fakulteta
petak, 19. april, 9 sati, SRC
- XXI Međunarodni turnir u golbalu *Tešanj 2024*
subota, 20. april, 9 sati, OS "Rešad Kadicić"
- Otvaranje izložbe astrofotografija Jasmina Dolamica
ponedjeljak, 22. april, 18 sati, CKO
- Promocija romana Šahde Bošnjaka *Beg i kmetica*
srijeda, 24. april, 16:30 sati, Biblioteka

Tešanjsko proljeće
2024



Izdaje: **OPĆINA TEŠANJ**

Redakcija:

Edina Kadušić, Samir Brka,
Kanita Gredelj i Bahrudin Nočić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića I
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: Grafik-komerc Jelah, Tešanj

DIJALOG O OSNAŽIVANJU MJESNIH ZAJEDNICA

U Društvenom centru u MZ Dobropolje Mekiš u Tešnju održan je panel na kojem se razgovaralo o ulozi i jačanju mjesnih zajednica u Bosni i Hercegovini. Panel je okupio predstavnike lokalnih vlasti, i građane u produktivnoj raspravi o unapređenju uloge mjesnih zajednica u našem društvu. Panel je organiziran u okviru projekta *Jačanje uloge mjesnih zajednica u Bosni i Hercegovini*, kojeg zajednički organiziraju Vlada Švicarske i Švedska, a provodi ga Razvojni program Ujedinjenih nacija (UNDP) u BiH.



Panelisti su bili Općinski načelnik Suad Huskić, Radislav Petrušić, šef kabineta načelnika Opštine Kotor Varoš, Vedrana Ivanović, načelnica odjeljenja za strateško planiranje, evropske integracije, lokalni i ekonomski razvoj, Grad Doboj, Omer Ramić, predstavnik MZ Mrkotić i Suada Mujkić, predstavnica UŽ Ruka Kalošević, koji su podijelili svoja iskustva, izazove sa kojima se suočavaju mjesne zajednice te predložili inovativne ideje za jačanje njihove uloge u društvu. Planirano je još pet panela širom BiH, a sljedeći panel biti će održan 27. februara 2024. u Zavidovićima, gdje će biti nastavljen dijalog i rad na jačanju mreže mjesnih zajednica širom BiH.

MILION MARAKA ZA ŠKOLU U MEDAKOVU

U Općini Tešanj potpisana su dva sporazuma, koja će omogućiti nastavak radova na novom objektu OŠ 9. septembar Medakovo, ukupne vrijednosti milion maraka. Realizacijom ovih ugovora u 2024. godini očekuje se da će djeca novu školsku godinu započeti u novom objektu.

Ugovor su potpisali Općinski načelnik Suad Huskić, Ministar za obrazovanje, nauku, kulturu i sport ZDK Mirza Mušija i Direktor firme Euroasfalt d.o.o. Sarajevo Jasmin Bučo.

Radi se o ugovoru o prenosu 600 000 KM koje je Vlada ZDK na prijedlog Ministarstva obrazovanja, nauke, kulture i sporta ZDK odobrila za nastavak gradnje škole u Medakovu i sporazumu sa firmom Euroasfalt d.o.o. Sarajevo o donaciji 193 050 KM za vanjsku stolariju na objektu škole. Ostatak sredstava, cca 200 000 KM obezbijedit će Općina Tešanj. Cilj je da nova školska godina u OŠ 9. septembar Medakovo počne u novom objektu, rekao je Općinski načelnik Suad Huskić.

Sretan sam da se zajedničkim sredstvima Vlade ZDK i Općine Tešanj privode kraju radovi na novom objektu škole u Medakovu. Od 2020. godine Vlada ZDK i Općina Tešanj su u gradnju novog školskog objekta uložili oko 2,5 miliona maraka, rekao je Ministar za obrazovanje, nauku, kulturu i sport ZDK Mirza Mušija.

Firma Euroasfalt d.o.o. Sarajevo odlučila je da donira kompletnu stolariju za novu školu u Medakovu i time doprinese da se realizacija ovog projekta privrede kraju u što kraćem roku. Sretni smo da smo dio ove priče, rekao je direktor firme Euroasfalt d.o.o. Sarajevo Jasmin Bučo.

Gradnja novog objekta škole 9. septembar Medakovo počela je 2020. godine. Cijeli objekat je izgrađen i pokriven. Potpisanim ugovorima planirano je da se objekat zatvori, utopli, urade svi potrebni radovi za prizemlje, te da se izvrši vanjsko uređenje pored objekta.



NASTAVAK GRADNJE SPORTSKE DVORANE U JELAHU

Općinski načelnik Suad Huskić i direktor firme Inter doo Tešanj Dino Ahmić potpisali su ugovor za IV fazu radova na gradnji Sportske dvorane u Jelahu. Ukupna vrijednost ugovora je 797.579,14 KM. Sredstva za ovu fazu radova obezbijedena su prošle godine iz budžeta Vlade FBiH i Vlade ZDK.

Do sada je za gradnju Sportske dvorane Jelah izdvojeno 2,2 miliona maraka. Ova faza podrazumijeva unutrašnje radove i vanjsko uređenje. Za nekoliko dana bit će objavljen tender i za posljednju fazu radova, tako da se završetak Sportske dvorane očekuje u ovoj godini, rekao je Općinski načelnik Suad Huskić.



IZGRADNJA DJEČIJIH IGRALIŠTA U TEŠNJU I JELAHU

Općinski načelnik Suad Huskić i predstavnici firme KM gradnja doo Tešanj i Inter doo Tešanj potpisali su ugovor za Izgradnju dječijih igrališta u Tešnju i Jelahu. Isti dan je potpisan i ugovor za Uklanjanje monolitne stijene u Tešnju, na lokaciji gdje će biti izgrađeno igralište u Tešnju. Ukupna vrijednost ova tri ugovora je 290 745 KM.

Realizacijom ovog projekta djeca i mladi će imati bolje uslove za igru i druženje, rekao je Općinski načelnik Suad Huskić.

Nabavku urbanog mobilijara koji će obogatiti igralište za djecu finansirat će ProCredit banka, što je usaglašeno Sporazumom koji je potpisan u novembru 2023. godine.



SASTANAK SA PREDSTAVNICIMA BORAČKIH UDRUŽENJA

U kabinetu Načelnika održan je sastanak sa predstavnicima boračkih udruženja sa područja općine Tešanj kako bi se razgovaralo o dosadašnjim aktivnostima na provođenju Javnog konkursa za izradu idejnog rješenja Centralnog spomen obilježja poginulim borcima, šehidima i civilnim žrtvama rata u Tešnju.

Ranije je pokrenuta inicijativa za promjenu izgleda Centralnog spomen obilježja u Tešnju, nakon čega je analizirana odluka Općinskog vijeća, urađen projektni zadatak, te raspisan javni konkurs za idejno rješenje.

Ovom prilikom, predstavnicima boračkih udruženja predstavljeno je idejno rješenje novog izgleda Centralnog spomen obilježja, a u narednom periodu projekat će biti predstavljen Općinskom vijeću, ali i široj javnosti.



PRIJEM POVODOM GODIŠNJICE 207 POUSORSKE LJUTE VITEŠKE BRIGADE

Povodom godišnjice formiranja, Općinski načelnik Suad Huskić i pomoćnik Općinskog načelnika Hamzalija Hojkurić primili su komadante i pripadnike 207 Pousorske ljute viteške brigade. Tokom prijema, razgovarano je o sjećanjima na odbranu tešanjskog kraja tokom agresije na BiH 1992-1995. godina.

Ovakvi susreti su način da sačuvamo od zaborava period 92-95. godina, ali i da se sjetimo svih sudionika rata, te odamo poštovanje onima koji su dali svoj doprinos, a posebno šehidima i poginulim borcima, kazao je Općinski načelnik Suad Huskić. Nakon prijema u zgradi Općine, položeno je cvijeće na Centralno spomen obilježje šehidima i poginulim borcima u Tešnju.



POTPISANI UGOVORI SA UDRUŽENJIMA GRAĐANA

U sali Općinskog vijeća Tešanj potpisani su ugovori za finansiranje 91 projekta udruženja građana za 2024. godinu. Ugovore su potpisali Općinski načelnik Suad Huskić i 66 udruženja građana sa područja općine Tešanj.

Ove godine povećan je ukupan iznos sredstava za podršku udruženjima sa područja općine Tešanj. Nadam se da će ova godina biti još uspješnija od prethodne i da ćemo realizirati planirane sadržaje, rekao je Općinski načelnik Suad Huskić.

Ukupna vrijednost ugovora je 601 300 KM za projekte iz oblasti sajma, kulture, sport i ostali.



TEŠANJ PONOVO NA LISTI GRADOVA I REGIJA BUDUĆNOSTI

Američki *Financial Times* objavio je *fDi Intelligence* listu *Evropskih gradova i regija budućnosti 2024. godine*. Ovaj izvještaj identifikuje i ocjenjuje gradove u Evropi prema njihovoj atraktivnosti za strane investicije i njihovoj strategiji, ekonomskoj, finansijskoj i poslovnoj snazi.

Na ovogodišnjoj listi mikrogradova Tešanj se nalazi na četvrtom mjestu. *Financial Times* svake godine provodi evaluaciju prema određenim kriterijima kako bi identifikovali najuspješnije i najperspektivnije evropske gradove i regije u privlačenju investicija.

Tešanj je i ranije, 2014. i 2015. godine bio na ovoj Listi, zajedno sa općinama Žepče i Teslić. Tada je to bilo iznenađenje, ali su od tada svi parametri razvoja potvrdili da je ocjena bila opravdana. Svih godina parametri razvoja su se poboljšavali: investicije, izvoz, promet, broj radnih mjesta itd. U Tešnju je prošle godine registrovano novih 236 poslovnih subjekata. Sada, na početku 2024. imamo ukupno 3056 poslovnih subjekata, a npr. 2020. godine smo imali 2630 poslovnih subjekata (rast za 425 novih poslovnih subjekata). Promet svih poslovnih subjekata je u 2023. godini porastao preko 20% i sada iznosi 2,43 milijarde KM (u 2022. godini je bio 1,9 milijardi KM). Promet je rastao mnogo više nego u ostatku FBiH i BiH. Broj zaposlenih je od 2020. godine povećan za 411 novih radnih mjesta, i na kraju 2023. godine je iznosio 13.795. Broj evidentiranih nezaposlenih u Službi za zapošljavanje na početku 2024. godine je 5140 i smanjuje se. Podaci u uvozu i izvozu još nisu objavljeni. Posebna radost je da je više rođenih nego umrlih, tu smo +200, rekao je Općinski načelnik Suad Huskić.

Ove godine je ocijenjeno ukupno 509 prijava iz gradova i regija u pet potkategorija: *Ekonomski potencijal, Ljudski kapital i stil života, Ekonomičnost, Povezanost i Povoljnost za poslovanje*. U šestoj kategoriji – *Strategija direktnih stranih ulaganja* – ocijenjeno je 117 prijava.



OBILJEŽEN 4. APRIL DAN OTPORA FAŠIZMU

Povodom općinskog praznika 4. aprila – Dana otpora općine Tešanj fašizmu, položeno je cvijeće na Centralno spomen obilježje šehidima i poginulim borcima u Tešnju. Cvijeće su u ime Općine Tešanj položili predsjedavajući Općinskog vijeća i Općinski načelnik, zastupnik u Skupštini ZDK Alija Ogrić, predstavnici boračkih organizacija, Odred izviđača Crni vrh, OO Naprijed, OO Stranka za BiH, OO SDA, OO Naša stranka, OO SDP, Udruženje antifašista Josip Broz Tito i Udruženje privrednika Biznis centar Jelah, Tešanj. Prema programu obilježavanja 4. aprila, tokom dana položeno je cvijeće u Jelahu i Tešanjci, na bistu narodnog heroja Huse Hodžića i Partizanskom groblju u Tešnju. U Centru za kulturu i obrazovanje upriličena je tribina: "Antifašizam kao faktor opstanka BiH", gost dr. Amir Kliko.

Inače, prema odluci Općinskog vijeća 4. april – Dan otpora fašizmu se obilježava kao sjećanje na početke otpora agresiji na BiH 1992-1995. i sve značajnije događaje u ovom periodu, ali i iz ranije historije vezane za otpor ovog kraja fašizmu.



PLAN KAPITALNIH ULAGANJA ZA 2024. GODINU

Na 33. sjednica Općinskog vijeća Tešanj usvojen je Plan kapitalnih ulaganja za 2024. godinu. Plan sadrži 34 projekta u mjesnim zajednicama, 11 projekata općeg interesa i 6 projekata iz sredstava koncesija i solidarnosti. Ukupna vrijednost ulaganja je 6.1 milion KM. Usvojenim Planom predviđena su sredstva za gradnju još jednog bunara (PEB4), završetak dvorane Jelah, 1 milion za školu Medakovo, nastavak gradnje vodovoda Karadaglije-Jablanica, kanalizacije Šije, uređenje poslovnih zona, kao i ostali projekti.

Svi zainteresovani građani na web stranici Općine Tešanj mogu vidjeti koji su to projekti, vidjeti fotografiju i lokaciju, u kojim mjesnim zajednicama, te koliko je sredstava planirano za svaki projekat.

A) Mjesne zajednice								
R. br.	Naziv MZ	NAZIV PROJEKTA	Lokalni budžet sa stavke Kapitalna ulaganja-Ekonomski kod 615000 i 821000	Namjenska sredstva općine (vodosnabdijevanje i drugi projekti...)	Drugi budžeti	Mještani plan/MZ	Ukupno plan	Napomena
1	Bobare-Drinčići-Blaževci	Asfaltiranje puta Jazovi	13.000,00 KM	0,00 KM	0,00 KM	2.000,00 KM	15.000,00 KM	
2	Bobare-Drinčići-Blaževci	Asfaltiranje puta Svrze	12.000,00 KM	0,00 KM	0,00 KM	3.000,00 KM	15.000,00 KM	
3	Bukva	Asfaltiranje puta Kotoriči	18.000,00 KM	0,00 KM	0,00 KM	4.000,00 KM	22.000,00 KM	
4	Bukva	Asfaltiranje puta Navrboci	14.000,00 KM	0,00 KM	0,00 KM	3.000,00 KM	17.000,00 KM	
5	Dobropolje-Mekiš	Put Dobropolje-Čagličići	36.000,00 KM	0,00 KM	0,00 KM	5.000,00 KM	41.000,00 KM	Završetak puta
6	Dobropolje-Mekiš	Trotoar pored R474	0,00 KM	0,00 KM	50.000,00 KM	0,00 KM	50.000,00 KM	Kandidatura
7	Džemilić Planje	Asfaltiranje puta Rahići-džamija i Orah-Batalić	40.000,00 KM	0,00 KM	0,00 KM	5.000,00 KM	45.000,00 KM	
8	Jablanica	Asfaltiranje puta Čagličići-Dobropolje	36.000,00 KM	0,00 KM	0,00 KM	5.000,00 KM	41.000,00 KM	Završetak puta
9	Jelah	Kanalizacija rastoke	50.000,00 KM	0,00 KM	0,00 KM	0,00 KM	50.000,00 KM	
10	Jelah	Izgradnja trotoara uz magistralnu cestu M4	27.000,00 KM	0,00 KM	0,00 KM	0,00 KM	27.000,00 KM	Podijeljena nadležnost magistralna cesta
11	Jevadžije	Adaptacije zgrade MZ, faza I	40.000,00 KM	0,00 KM	0,00 KM	0,00 KM	40.000,00 KM	Vrijednost zbog cjelovitosti faze
12	Kalošević	Uređenje objekta Mjesne zajednice	20.000,00 KM	0,00 KM	0,00 KM	0,00 KM	20.000,00 KM	
13	Kalošević	Poboljšanje vodosnabdijevanja Putešić (cjevovod)	0,00 KM	160.000,00 KM	0,00 KM	0,00 KM	160.000,00 KM	Kandidatura za vodne naknade
14	Karadaglije	Asfaltiranje puta Alispahići Krčevine	20.000,00 KM	0,00 KM	0,00 KM	3.000,00 KM	23.000,00 KM	
15	Kraševo	Renoviranje sportskog poligona	25.000,00 KM	0,00 KM	0,00 KM	2.000,00 KM	27.000,00 KM	
16	Ljetinić	Asfaltiranje puta Čamdžići-Ljeskovac	18.000,00 KM	0,00 KM	0,00 KM	0,00 KM	18.000,00 KM	
17	Medakovo	Odvodnja oborinskih voda i sanacija saobraćajnice nakon klizišta	22.000,00 KM	0,00 KM	0,00 KM	3.000,00 KM	25.000,00 KM	
18	Miljanovci-Lončari	Put Bare-Škola-Omerbašići (presvlaka)	20.000,00 KM	0,00 KM	0,00 KM	0,00 KM	20.000,00 KM	
19	Novi Miljanovci	Presvlaka na LC	20.000,00 KM	0,00 KM	0,00 KM	0,00 KM	20.000,00 KM	
20	Mrkotić	Asfaltiranje puta Grga	28.000,00 KM	0,00 KM	0,00 KM	0,00 KM	28.000,00 KM	
21	Novo Selo	Put Dom Bedaci Park	32.000,00 KM	0,00 KM	0,00 KM	5.000,00 KM	37.000,00 KM	Završetak puta
22	Orašje Planje	Poslovni objekat za potrebe MZ	35.000,00 KM	0,00 KM	0,00 KM	5.000,00 KM	40.000,00 KM	Završna faza objekta
23	Piljužići	Asfaltiranje puta Mudrovi	28.000,00 KM	0,00 KM	0,00 KM	3.000,00 KM	31.000,00 KM	
24	Piljužići	Put Komin	0,00 KM	25.000,00 KM	143.789,25 KM	0,00 KM	168.789,25 KM	Sredstva odobrena, FBiH i Općina Tešanj
25	Raduša	Izgradnja primarne kanalizacije- Dolac duž Mubića rastoke	32.000,00 KM	0,00 KM	0,00 KM	3.000,00 KM	35.000,00 KM	Nastavak izgradnje
26	Rosulje	Asfaltiranje puta Lug	22.000,00 KM	0,00 KM	0,00 KM	0,00 KM	22.000,00 KM	
27	Šije	Izgradnja fekalne kanalizacije u MZ Šije	30.000,00 KM	150.000,00 KM	0,00 KM	0,00 KM	180.000,00 KM	Vodne naknade ZDK
28	Šije	Asfaltiranje lokalnog puta Ibrahimovići	30.000,00 KM	0,00 KM	0,00 KM	0,00 KM	30.000,00 KM	
29	Tešanj	Asfaltiranje puta Vino Krndija	34.000,00 KM	0,00 KM	0,00 KM	5.000,00 KM	39.000,00 KM	
30	Tešanj	Asfaltiranje puta Meša Selimovic	32.000,00 KM	0,00 KM	0,00 KM	0,00 KM	32.000,00 KM	završetak lijevog kraka
31	Tešanj	Asfaltiranje puta Gušća	28.000,00 KM	0,00 KM	0,00 KM	2.000,00 KM	30.000,00 KM	
32	Tešanjka	Rekonstrukcija starog doma kulture	35.000,00 KM	0,00 KM	0,00 KM	0,00 KM	35.000,00 KM	Javni poziv EU4AGRI/nastavak od prošle godine
33	Trepče	Asfaltiranje puta Pločnik	35.000,00 KM	0,00 KM	0,00 KM	5.000,00 KM	40.000,00 KM	
34	Vukovo	Asfaltiranje puta Imamovići	28.000,00 KM	0,00 KM	0,00 KM	3.000,00 KM	31.000,00 KM	završetak
UKUPNO A			860.000,00 KM	335.000,00 KM	193.789,25 KM	66.000,00 KM	1.454.789,25 KM	

B) Projekti od općeg interesa

Red br	Projekti općeg značaja	NAZIV PROJEKTA	Lokalni budžet izvorno	Lokalni budžet namjenski	Viši nivoi vlasti	Drugi izvori	Ukupno plan	Napomena
1	opći značaj	Sportska dvorana Jelah IV faza	- KM	- KM	300.000 KM	500.000,00 KM	800.000 KM	
2	opći značaj	Sportska dvorana Jelah V faza	- KM	450.000 KM	- KM	150.000,00 KM	600.000 KM	
3	opći značaj	Škola Medakovo V faza	- KM	220.000 KM	600.000 KM	180.000,00 KM	1.000.000 KM	
4	opći značaj	Stolice CKO	- KM	157.950,00 KM	- KM	- KM	157.950 KM	
5	opći značaj	Zamjena stolarije CKO	- KM	65.000,00 KM	55.000,00 KM	- KM	120.000 KM	Projekat sa Fondom za zaštitu okoliša
6	opći značaj	Igralište Jelah	- KM	145.000,00 KM	- KM	- KM	145.000 KM	
7	opći značaj	Igralište Tešanj	- KM	111.500,00 KM	- KM	- KM	111.500 KM	
8	opći značaj	Vodovod Jablanica-Karadaglje	- KM	100.000 KM	200.000 KM	200.000,00 KM	500.000 KM	Vodne naknade ZDK
9	opći značaj	Ekonomija	- KM	126.413 KM	150.000 KM	- KM	276.413 KM	Vlada ZDK i Opina Tešanj, poslovne zone, Sredstva Vlade FBiH odobrena u 2023.
10	opći značaj	PEB4	- KM	100.000 KM	200.000 KM	250.000,00 KM	550.000 KM	
11	opći značaj	Regulacija korita Radušice, preustov za priključak M4	- KM	100.000 KM	150.000 KM	- KM	250.000 KM	Putem javnog poziva Ministarstva za privredu ZDK
UKUPNO B			0,00 KM	1.575.862,50 KM	1.505.000,00 KM	1.280.000,00 KM	4.510.862,50 KM	

C) Projekti solidarnosti

R br	Projekti solidarnosti	NAZIV PROJEKTA	Lokalni budžet izvorno	Lokalni budžet namjenski	Viši nivoi vlasti	Drugi izvori	Ukupno plan	Napomena
1	Solidarnost	Trasiranje novih puteva	50.000,00 KM	0,00 KM	0,00 KM	0,00 KM	50.000,00 KM	
2	Solidarnost	Obaveze po zaključcima Vijeća	5.000,00 KM	0,00 KM	0,00 KM	0,00 KM	5.000,00 KM	
UKUPNO C			55.000,00 KM	0,00 KM	0,00 KM	0,00 KM	55.000,00 KM	

D) Koncesije i dodatna sredstva

R br	Naziv MZ	NAZIV PROJEKTA	Lokalni budžet izvorno	Lokalni budžet namjenski	Viši nivoi vlasti	Drugi izvori	Ukupno plan	Napomena
1	Raduša	Rekonstrukcija i asfaltiranje puta Š. Juka- Mahala	0,00 KM	28.000,00 KM	0,00 KM	0,00 KM	28.000,00 KM	
2	Orašje Planje	Put Mahalbašići	0,00 KM	27.000,00 KM	0,00 KM	0,00 KM	27.000,00 KM	
3	Karadaglje	Asfaltiranje puta Stara ambulanta Begunići	0,00 KM	25.000,00 KM	0,00 KM	0,00 KM	25.000,00 KM	
4	Trepče	Nakon urađenog geodetskog elaborata će biti uplaćena sredstva trenutno ne znamo iznos!	0,00 KM	0,00 KM	0,00 KM	0,00 KM	0,00 KM	Nakon što bude dostupan podatak, potvrdit će se prioriteti po ovom osnovu
UKUPNO D			0,00 KM	80.000,00 KM	0,00 KM	0,00 KM	80.000,00 KM	
SVEGA A+B+C+D:			915.000,00 KM	1.990.862,50 KM	1.698.789,25 KM	1.346.000,00 KM	6.100.651,75 KM	

E) INFORMATIVNO- Projekti koji su u realizaciji

R br	Projekti u pripremi putem javnih poziva	NAZIV PROJEKTA	Lokalni budžet	Viši nivoi vlasti	Drugi izvori	Ukupno plan	Napomena
1	Projekat IFAD putem javnog poziva	Most između O i Dž Planja	85.000,00 KM	0,00 KM	85.000,00 KM	170.000,00 KM	
2	EU4AGRI u fazi ocjene prijave	Rekonstrukcija starog doma Tešanjka i dr.	56.000,00 KM	0,00 KM	194.000,00 KM	250.000,00 KM	
3	Federalno ministarstvo prostornog uređenja	Izgradnja prilaza Sahat kuli	39.512,00 KM	40.000,00 KM	0,00 KM	79.512,00 KM	Sredstva FBiH odobrena
4	Federalno ministarstvo obrta	Poslovna zona Bukva - prema kriterijima javnog poziva	100.000,00 KM	150.000,00 KM	0,00 KM	250.000,00 KM	Prijava na javni poziv
5	Fond za okoliš	Kućni priključci sa šahtovima, uz radove koji su u toku	0,00 KM	500.000,00 KM	300.000,00 KM	800.000,00 KM	Sredstva viših nivoa odobrena u 2023. Čeka se odobravanje nadzora od FBiH
1	Projekti u realizaciji	Kanalizacija Šije	0,00 KM	50.895,00 KM	0,00	50.895,00 KM	U toku realizacija
2	Projekti u realizaciji	OŠ "Džemal Bijedić", centralni objekat Mijanovci- mjere energetske efikasnosti	103.258,48 KM	0,00	0,00	103.258,48 KM	Iznosi koji su već transferirani Fondu za okoliš, čeka se potpis Ugovora u Fondu za okoliš
3	Projekti u realizaciji	OŠ "Rešad Kadić", objekat Planje - mjere energetske efikasnosti	78.975,20 KM	0,00	0,00	78.975,20 KM	Iznosi koji su već transferirani Fondu za okoliš, čeka se potpis Ugovora u Fondu za okoliš
4	Projekti u realizaciji	Rezervoar Putešić	0,00 KM	179.410,14 KM	0,00	179.410,14 KM	U toku realizacija
5	Projekti u realizaciji	Vodovod Jablanica-Karadaglje	300.000,00 KM	0,00	350.000 KM	646.097,28 KM	U toku realizacija
6	Projekti u realizaciji	Rekonstrukcija raskrsnica Tešanj-Jelah	0,00 KM	0,00	700.000 KM	699.966,57 KM	U toku realizacija
UKUPNO F			762.745,68 KM	920.305,14 KM	1.629.000,00 KM	3.308.114,67 KM	

SVEČANO OBILJEŽEN 1. MART DAN NEZAVISNOSTI BOSNE I HERCEGOVINE

Povodom Dana nezavisnosti BiH, u petak 1. marta položeno je cvijeće na Centralno spomen obilježje u Tešnju. Cvijeće su položili, u ime Općine Tešanj Predsjedavajući Općinskog vijeća i Općinski načelnik, predstavnici državnog i federalnog nivoa vlasti, predstavnici kantonalnog nivoa vlasti, predstavnici boračkih udruženja sa područja općine Tešanj, Odred izviđača *Crni vrh*, OO Naprijed, OO NES, Udruženje *Invalidi rada*, Kamp boraca Tešanj, Udruženje antifašista *Josip Broz Tito*, OO Stranka za BiH, OO SDP, Planinarsko-sportsko društvo *Zmajevac 684* Tešanj, Koordinacija boračkih organizacija Doboju Jug, DVD Tešanj, UG *Kamp vitezova Šije*, Aktivisti *Bezimeni vis*, OO Narod i pravda, OO Naša stranka, OO SDA.

U okviru Programa obilježavanja 1. marta, u četvrtak je u zgradi Općine otvorena Izložba likovnih i literarnih radova na temu *1. mart, Dan nezavisnosti BiH*, a u Centru za kulturu i obrazovanje upriličena je tribina: *BiH juče, danas, sutra*. Gost je bio Miro Lazović.

Danas, nakon polaganja cvijeća, u Centru za kulturu i obrazovanje održana je premijera filma *268 dana opsade – Deblokada*, a u 18,00 sati koncert u povodu Dana nezavisnosti BiH.



NAGRADE ZA NAJBOLJI LIKOVNI I LITERARNI RAD

Povodom 1. marta, Dana nezavisnosti BiH, dodijeljene su nagrade za najbolji likovni i literarni rad učenika osnovnih škola sa područja općine Tešanj. Konkurs su proveli JU Muzej i JU Biblioteka pod pokroviteljstvom Općine Tešanj.

Za najbolji likovni rad (razredna nastava) nagrađeni su:

1. Lejla Huskić, OŠ Huso Hodžić, Tešanj
2. Elma Kurtić, OŠ Kulin ban Tešanjka
3. Nedžla Burajić OŠ Gazi Ferhad-beg Jablanica

Likovni rad (predmetna nastava):

1. Asja Rizvanović, OŠ 1. mart Jelah
1. Ajša Vehab, OŠ Huso Hodžić, Tešanj
2. Anesa Škapur, OŠ Rešad Kadić, Krndija
2. Sumeja Samardžić, OŠ Huso Hodžić, Tešanj
3. Nadira Omić, OŠ Mustafa Mulić, Šije

Za najbolji literarni rad (razredna nastava) nagrađeni su:

1. Vasva Kajmić, OŠ Huso Hodžić, Tešanj
2. Amina Krdžalić, OŠ Rešad Kadić, Krndija
3. Nejra Smajić, OŠ Abdulvehab Ilhamija, Kalošević

Literarni rad (predmetna nastava):

1. Adisa Hajrić, OŠ Džemal Bijedić, Miljanovci
2. Ilhana Bačinović, OŠ Huso Hodžić, Tešanj
3. Suraja Omerbašić, OŠ Gazi Ferhad-beg, Jablanica



STUDIJSKA POSJETA TEŠNJU: DIGITALNA TRANSFORMACIJA

U okviru studijske posjete Općini Tešanj, koja je bila fokusirana na primjere dobrih praksi u oblasti digitalne transformacije jedinice lokalne samouprave, gosti iz općina Ilijaš, Fojnica, Kakanj, Centar Sarajevo i gradova Živinice i Lukavac imali su priliku upoznati se sa inicijativama i projektima, pozitivnim praksama i izazovima s kojima se Općina Tešanj susretala u prethodnim godinama, kao i sa planovima za budućnost.

Općinski načelnik, Suad Huskić, otvorio je događaj, ističući važnost digitalne transformacije za unapređenje lokalnih zajednica. Aleksandar Mastilović, konsultant za kreiranje Mape puta digitalne transformacije, predstavio je metodologiju po kojoj je izrađena Mapa puta, dok je Aidin Ibrahimkadić, koordinator Smart City projekta u Tešnju, podijelio iskustva i planove za buduće digitalne inovacije.

Posebnu pažnju gostiju privukla je aplikacija za upravljanje Strategijom, koju su predstavili autor Nermin Kantić i stručni savjetnik za strateško planiranje Almir Ljevaković, dok su Mirko Gajić i Ana Lojić iz kompanije Lanaco demonstrirali Smart City rješenja, ističući implementaciju Pametnog parkinga u Općini Tešanj.

Amira Omanović, programska menadžerica GIZ-a u BiH, zaključila je događaj zahvaljujući prisutnima na angažmanu i podršci.

Kao završni dio posjete, gosti su posjetili prostorije novootvorenog Tech-laba, gdje ih je dočekaio direktor TRA, Edin Ibrahimović, koji je predstavio planove i ideje za buduće inovacije u Tehnološkom centru.



SJEDNICA PREDSJEDNIŠTVA SKUPŠTINE SAVEZA OPĆINA I GRADOVA U TEŠNJU

Sjednica Predsjedništva Skupštine Saveza općina i gradova Federacije Bosne i Hercegovine održana je u februaru u Tešnju. Na sjednici, Predsjedništvo je informisano o aktivnostima radnih tijela Saveza kroz rad komisija, kao i o presudi Ustavnog suda FBiH u vezi sa Zakonom o računovodstvu i reviziji FBiH, te o aktivnostima Saveza u vezi sa Zakonom o električnoj energiji u FBiH.

Pored navedenog, Predsjedništvu su prezentirane i mnogobrojne informacije o radu Saveza, kako po pitanju saradnje sa drugim nivoima vlasti, tako i o projektnim aktivnostima.

Savez općina i gradova Federacije Bosne i Hercegovine je u skladu sa Zakonom o principima lokalne samouprave u Federaciji Bosne i Hercegovine zakonski zastupnik jedinica lokalne samouprave pred vlastima u Federaciji Bosne i Hercegovine.



SASTANAK SA PREDSTAVNICIMA CARITASA ŠVICARSKA



Općinski načelnik Suad Huskić održao je radni sastanak sa predstavnicima *Caritasa Švicarska*, Fortunat Peter Dienerom, team leaderom i Anjom Rajak, zamjenicom vođe tima LED. Sastanku je prisustvovao i direktor Agencije za razvoj TRA Edin Ibrahimović.

Tokom sastanka je razgovarano o projektu *Lokalnog ekonomskog razvoja*, a kojeg finansira *Švicarska razvojna agencija*. Ukupno trajanje projekta je 12 godina, a uključeno je 11 općina i gradova u BiH, među kojima i općina Tešanj. Projekat će se fokusirati na razvoj infrastrukture, ljudske i druge kapacitete, te međuopćinsku saradnju. Projekti će biti realizovani tokom 2025. godine zajedničkim finansiranjem *Caritasa* i lokalnih zajednica u pojedinačnom iznosu od po 300 000 KM (po projektu). Agencija za razvoj TRA je učestvovala u pripremi projekta.

AMBASADOR MAĐARSKJE U BIH POSJETIO TEŠANJ

Ambasador Mađarske u BiH NJ.E. Krisztián Pósa posjetio je općinu Tešanj i susreo se sa Općinskim načelnikom Suadom Huskićem. Tokom sastanka, Općinski načelnik je predstavio općinu Tešanj, a



razgovarano je o privrednom razvoju i funkcionisanju lokalne zajednice, kao i eventualnoj saradnji Tešnja sa gradovima u Mađarskoj.

Općina Tešanj je jedna od najrazvijenijih općina u Bosni i Hercegovini. Veoma smo zadovoljni iskustvom koje smo imali kao partner Sajma privrede Tešanj 2023., te se nadamo nastavku saradnje, kako na polju ekonomije, tako i u oblasti obrazovanja i kulturne saradnje, rekao je Ambasador Mađarske u BiH NJ.E. Krisztián Pósa.

Tokom sastanka razgovarano je o privrednim i turističkim potencijalima, kao i o mogućnostima saradnje Tešnja sa gradovima u Mađarskoj, rekao je Općinski načelnik Suad Huskić.

Nakon sastanka u Općini, Ambasador Mađarske je posjetio firmu *Madi*.

URUČENI ČEKOVI ZA PROJEKTE OMLADINSKE BANKE



U sali Općinskog vijeća Tešanj potpisani su ugovori i uručeni čekovi za 21 projekat neformalnih grupa mladih i dva mikrobiznisa koji su odobreni putem Omladinske banke. Ukupna vrijednost projekata i mikrobiznisa je 64 583 KM, a sredstva su obezbijedili Općina Tešanj i Fondacija Mozaik, a dio sredstava osigurala su neformalne grupe mladih.

Radi se o projektima: *Anatomski model ruke za edukaciju i trening, Klupa za nas, Rasvjeta Tugovići, Oprema za prvu pomoć, Uređenje parka, Uređenje društvenog kabineta, Opremanje senzorne sobe 2, Rastimo kroz sport: Radionica za unapređenje psihofizičkog razvoja djece, Izvan kutije, Mladi za mlade, Igralište za djecu – osmjech na licu 4, Rekonstrukcija šadrvana, Škola rukometa: razvoj mladih talenata, Nabavka opreme za inkluzivni fudbal, Izgradnja dječijeg igrališta, Riječ humanosti, Mala škola folkloru, Izaberi sport, a ne bolest, Sportski kutak: Zdrav pogled na svijet 3,*

Rekonstrukcija igrališta za djecu i odrasle, Obnova opreme za adekvatan rad praktične nastave i mikrobiznisi: Centar za razvoj dječijih potencijala i radosti – Edu-Reha i Krojačka radnja Emery.

Program Omladinske banke ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.


KLIMATOLOŠKA ANALIZA ZA 2023. GODINU

Klimatološki podaci za 2023. godinu

Klimatološki podaci za 2023. godinu

	Januar	Februar	Mart	April	Maj	Jun	Jul	Avugust	Septembar	Oktoabar	Novembar	Decembar
Prosječna temp. (°C)	4,40	3,67	8,78	10,15	15,69	19,84	22,38	23,02	19,86	16,25	8,40	5,83
Padavine (l/m ²)	97,6	63,0	57,6	94,10	202,5	120,6	64,5	45,7	48,5	45,4	135,4	55,7

Najviša izmjerena temp. u 2023. godini iznosila je:	9 °C	(09.02.2023.)
Najniža izmjerena temp. u 2023. godini iznosila je:	40 °C	(26.08.2023.)
Prosječna temperatura zraka za 2023. godinu iznosila je:	13,19 °C	
Ukupna količina padavina za 2023. godinu iznosila je:	1030,6 l/m ²	
Dan sa najviše padavina u 2023. godini:	49 l/m ²	(21.11.2023.)
Mjesec sa najviše padavina u 2023. godini:	202,5 l/m ²	(Maj)
Mjesec sa najmanje padavina u 2023. godini:	45,4 l/m ²	(Oktoabar)
Prosječna mjesečna količina padavina u 2023. godini:	85,88 l/m ²	
Broj pretežno vedrih i sunčanih dana u 2023. god.:	109	
Broj pretežno oblačnih i oblačnih dana u 2023. god.:	148	
Broj kišnih dana u 2023. godini:	98	
Broj dana sa najjačim padavinama u 2023. godini:	10	



STROGO ZABRANJENO NEPROPISNO PALJENJE VATRE NA OTVORENOM PROSTORU

Prema dosadašnjem iskustvu Službe civilne zaštite, Profesionalne vatrogasne jedinice Tešanj, u prethodnim godinama na području općine Tešanj, usljed obavljanja radova čišćenja, poljoprivrednih, šumskih i drugih površina, odnosno prilikom loženja vatre i spaljivanja korova, suhe trave, lišća, i otpada, dolazilo je do velikog broja požara niskog rastinja, a koje su izazivali pojedinci svojim nemarom ili pak svjesno, usljed čega je dolazilo do neželjenih pojava nekontrolisanog širenja požara na susjedna područja i objekte, čime su ugrožavani ljudi, prirodni resursi i materijalna dobra.

S obzirom da je sezona proljetnih radova već započela, zbog vremenskih uslova, podsjećamo građane da je **STROGO ZABRANJENO** paljenje vatre na otvorenom prostoru, na mjestima koja se nalaze u neposrednoj blizini, objekata, šuma, benzinskih i plinskih stanica, kao i na nepristupačnim mjestima na kojima nije moguć pristup vatrogasnih vozila.

Ukoliko, i pored svih preduzetih mjera dođe do požara koji više nije moguće kontrolisati potrebno je obavijestiti:

1. Dežurnog u Profesionalnoj vatrogasnoj jedinici Tešanj na broj telefona **123** i **032/650-720**;
2. Dežurnog u Policijskoj stanici Tešanj na broj telefona **122** i **032/ 651-606**; ili
3. Operativni centar civilne zaštite na broj telefona **121** i **032/650-439**.

Podsjećamo da su odredbama člana 169. Zakona o zaštiti od požara i vatrogastvu („Sl.novine FBiH“ broj: 64/09) predviđene novčane kazne za pojedince, koji svojim postupcima omogućuju nastanak požara, kao što je na nepropisan način loženje vatre na otvorenom, u šumama, na šumskom zemljištu, ili na drugom zemljištu.

U skladu sa navedenim zakonskim odredbama, kod pojave ovakvih situacija bićemo prisiljeni da u saradnji sa Policijskom stanicom Tešanj, identifikujemo lica i preduzmemo odgovarajuće zakonske mjere u cilju suzbijanja nastanka i širenja požara.



UPOZORENJE NA NEEKSPLODIRANA UBOJNA SREDSTVA

U posljednje vrijeme svjedoci smo učestalim pojavama pronalaska zaostalih neeksplodiranih ubojnih sredstava (NUS) na cijelom području općine Tešanj. Ono što može da nosi negativne posljedice u provođenju ove mjere jeste neadekvatan i neodgovoran odnos kod pronalaska NUS-a. Krajnje neodgovorno je diranje i premještanje pronađenog NUS-a, posebno u blizini linija razgraničenja, zbog mogućeg ulaska u minsko sumnjivu površinu.

Zbog toga, i ovom prilikom upozoravamo stanovništvo na dosljedno provođenje mjera pri pronalasku NUS-a, koje se odnosi da se isti ne dira, premješta, da mu se ne prilazi zbog mogućeg ulaska u minsko sumnjivu površinu, a sve u cilju smanjenja mogućnosti da dođe do stradanja ljudi.

Ukoliko je NUS uočen, potrebno je odmah obavijestiti Operativni centar civilne zaštite na broj telefona 121 (032/650-439) ili Policijsku stanicu Tešanj na broj telefona 122.





OPĆINA TEŠANJ

@citizen

@citizen

GET IT ON
Google Play

Available on the
App Store

Uslugom @citizen

Općina Tešanj nudi mogućnost svim građanima da imaju na raspolaganju pristup preko web portala kao i e-mail adresu na koju mogu tokom 24 sata dostaviti svoje prijedloge, primjedbe, zapažanja, žalbe i slično na sve događaje i pojave na području naše općine sa kojima se susretnu. Putem ove aplikacije možete pratiti i rad Vijeća, prijavljivati probleme.

www.ecitizen.ba/tesanj

[E-mail: call.centar@opcina-tesanj.ba](mailto:call.centar@opcina-tesanj.ba)

Općina Tešanj preuzima obavezu da u roku od 48 sati odgovori svakom na isti način na koji je prijava izvršena.




Schweizerische Eidgenossenschaft
Confédération suisse
Confederazione Svizzera
Confederaziun svizra


Swiss Agency for Development
and Cooperation SDC

MEG

PROJEKAT OPĆINSKOG
OKOLIŠNOG UPRAVLJANJA



GET IT ON
Google Play



Available on the
App Store